



Broj: 04-40-1-334/25
Sarajevo, 01.12.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 30.11.2025. do 08:30 sati 01.12.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 9 intervencija: dvije intervencije na gašenju kontejnera sa smećem, jedna na gašenju dimnjaka na stambenom objektu, jedan izlazak na teren po dojavi o dimu u haustoru i 5 obezbjeđenja (tri pretakanja goriva na Aerodromu i dva sportska događaja).

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 30.11.2025. godine, utvrdili su slijedeće stanje:

1. "Curine njive" (Opština Istočni Stari Grad / Općina Stari Grad Sarajevo – Bostarići)

Uočene su geološke promjene, uključujući formiranje pukotina uslijed atmosferskih uticaja i pucanja tla (na dijelu "Curine njive ispod igrališta" – dio šumskog zemljišta). Uslijed novih padavina tlo klizišta je prekriveno snijegom, dok je dotok vode iz pravca deponije i dalje prisutan te se usmjerava u drenažni kanal. Na dijelu klizišta gdje se nalazi igralište primjetno je formiranje plavne površine, dok je ispod samog igrališta uočljiva erozija tla i nakupljanje blatnjavog materijala odmah iznad prvih stambenih objekata. Iznad rasadnika vidljivo je pojačano prisustvo vode, kako s kraja drenažnog kanala, tako i iz

pravca deponije, što se manifestuje u vidu većeg površinskog toka. Na kraju drenažnog kanala uočena je i erozija tla. Na klizištu nisu primijećene veće novonastale pukotine.

I dalje je na snazi pripravnost DVD Vratnik, Savjet MZ Širokača i Klico trans doo.

2."Knjeginjac" (Opština Istočni Stari Grad)

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i utjecaj atmosferskih faktora.

Vizualnim pregledom tla na deponiji utvrđeno je da je površina prekrivena snijegom, dok je u donjem dijelu prisutan konstantan dotok vode koji stvara plavne površine. U rigolu iznad ceste primjetan je manji, ali kontinuiran protok vode, što ukazuje na prisustvo površinskih otjecanja.

Na donjem dijelu deponijskog materijala, stručni tim Instituta za geotehniku i geološko inženjerstvo sa Građevinskog fakulteta u Sarajevu proveo je geotehnička istraživanja tla, uključujući izradu geoloških bušotina, i prikupio podatke potrebne za procjenu svojstava tla i izradio projekt sanacije aktivnog klizišta.

Ocjena rizika: Slijeganje deponijskog materijala i erozija usljed atmosferskih uticaja.

3."Bistrički potok" (Općina Stari Grad Sarajevo – Boguševac / Opština Istočni Stari Grad)

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka.

Na lokalitetu Bistričkog potoka uočen je pojačan dotok vode iz pravca Trebevića, kao i iz kaptiranog izvora pored mosta. Protok vode kroz korito odvija se nesmetano i nisu zabilježene prepreke na dijelu od mosta na Boguševcu prema Latinskoj ćupriji. Na dionici iznad mosta i dalje je vidljivo prisustvo oborenih stabala i urušenih stijena.

4. Evakuacija stanovništva s ugroženih područja

Na osnovu **Naredbi Štaba civilne zaštite Kantona Sarajevo** (br.08-40-1128-2/24 od 01.11.2024.godine i br.08-40-1128-2.1/24 od 20.11.2024.godine), kao i **Planova evakuacije Općine Stari Grad Sarajevo**, Služba civilne zaštite redovno obilazi naselja **Bostarići, Ablakovina i Ablakovina čikma**. U toku su **procjene rizika** i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila -1°C, vlažnost zraka 93%, barometarski pritisak 944,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

- Stari Grad – Careva ćuprija, zbog sanacionih radova na mostu, saobraćaj je privremeno obustavljen. Vozila se preusmjeravaju na alternativne pravce.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

**PO OVLAŠTENJU DIREKTORA
ŠEF CENTRA**

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a